

6

تورک بوروی

جل : 1 Say : 6 26 kaimusani 1327

تورکک قاندهت چالشیر
اون بش کونده بر چیقار

ورم

ورم ، سرایت ایدن خسته لقارک همان اک عمومیس ، اک قورقیدر؛ کنج واختیار، زنکین و فقیر هیچ برکیمسه تأثیر سرایت واستیلا سندن آزاده دکلدر. اکثری آق جکر لر هجوم ایدر ایسه ده اعضای سائر یی ده استیلا و بوضو رتله مختلف اشکالده وخیم خسته لقار تولید ایله بر چوق آدم لری اولدیریر ... شهراماتی دائرة صحیه سی طرفدن بوسنه نشر اولنان ایستاتیسیتقه نظراً استانبولده ورم دن وفات ایدنلرک عددی سنری اوج بیک راده سننده در . تحقیقته و فیاتک دهـا یوکسک اولماسی پک محتملدر . زیرا بر چوق دفعه لر آق جکر خسته لقارینک نوعی قطعی بر صورته تعیین پک مشکل اولدیغندن پک چوق متورمک سائر آق جکر خسته لقارندن وفات ایدنلر میاننه ادخال ایدلمش اولدیغنی قبول جاژدر .

۱۳۳۰ سنه سنده شهراماتنک نشر ایتشمش اولدیغنی ایستاتیسیتق حقنده دوقور بسم عمر پاشا عینی فکری بیان ایتشاردی: « نفوسی بر یحق میلون تخمین اولنان پای تحت سلطنت سنیه ده بونسبت (ورم دن وفات ایدنلرک نفوسی عمومیه نسبتی که یوزده ایکی در) ویانه ، پارس ، برلین کبی بیوک شهرلرده کی ورم نسبت و فیاتنه نظراً پک ممنونیت بخشا بر نتیجه تشکیل ایدر ؛ فقط جدولده التهاب سحایا ، التهاب امعاء ، سوء تغدی ، التهاب پریطون ، امراض جهاز تنفس ، امراض مختلفه سائر تعصیرات کلیه طیه سیله کویسترلین خسته لقار دن بر چوغنک ینه امراض درنیه عائد اولدیغنی نظر دفته آلتیر ایسه بونسبتک پک تقریبی اولدیغنی تسلیم ایدیلیر . » ورم دن و فیات ایچون اوج بیک عددی صحیح کبی قبول ایده جک اولور ایسه ک کوریلور که استانبول شهرینک و فیات عمومیه سی اون ایکی بیک راده سننده اولدیغندن ورم قربانی اولانلر بویکونک درنده برینی تشکیل ایتمکده در .

جدولده اک زیاده نظر دقتمزه چاربان جهت بوعلتک نسوان اسلامیه آرده سننده پک شدتلی اجرای تخریبات ایتسیدر . مثلاً ۱۳۳۵ سنه سنده ۸۲۱ اسلام قادینی

ورمىدىن ارتحال داربغا ايلش اولدېنى حالده ذكور مسلمەدن ۱۳۱ كىشى وفات ايتىشىدۇر . سائر عناصر عثمانىەنك ارکكلرى قاديانلاردن دها بوعاندىن متأثر اولمقدهدر . فى الحقيقه عىنى تاريخده ۲۸۶ روم قاديى ، ۵۰۷ روم ارکكى ، ۱۱۵ ارمنى قاديى ۲۰۲ ارمنى ارکكى ، ۵۵ موسوى قاديى ، ۶۳ موسوى ارکكى تورم ايدەرك وفات ايتىشلردىر . ممالك شاهانەنك سائر شەرلرى حقندە معلومات قطعىە من يوقسەدە احوالك عىنى مرکزده اولديغندە شېه يوقدر . كچن سەنە قريمدە بولونديغى زمان تاتار قرداشلار من آره سنده ورمك اجرا ايتىدىكى تخريبات حقندە معلومات آلمىشدم : كوروشديكم اطبا پك چوق تاتار قاديىنك ورمىدىن ارتحال ايتىدىكى وبو حال دوام ايدىر ايسە بعض محللردە قريم تاتارلرينك محو اوله جغندە تردد جا ئاولمادىغى سويلدىلر . ديمك ورم اسلام خانلرينك مدهش بردىمنى در . بونك سېى ايسە اولرمزده قواعد صحىه نك تماميله اهمال ايدلمىسدر .

نزوملى صحى تدبيرلر اتخاذايدەرك ورمك تخريباتى اكسىلتىمك ممكن اولدېنى جەتلە بولكون باجلە ممالك اجنىيەدە بو خصوصە زيادە سيلە اهميت ويريلەرك كرك مسكنلارك اصلاحى وكر كسە تربىئە صحىه وطيبەنك تعمىمى ايله قواعد صحىئە شخصيەنك تطبيقى تأمين سايە سنده پك مهم نتايج استحصال ايدلمكدهدر . بوجادله صحىيەدە ايلك اول تشبثات جديده بولنان انكليزلردىر كە مساكينك قواعد طبيه يە موافق بر صورتدە انشاسنە اهتمام ايدەرك ، ورمىدىن متحصلى وفياتى يكرمى سە ظرفندە يوزدە اوتوز نىسبتندە تنقيصە موفق اولمشلردىر . ممالك سائرەدە دخى بويولە بيوك موفقيات الدە ايدلمىشدر .

بز بو مقاله لردە تدابير لازمىي تعريف وارائە ايدەرك قارئلرمىزدىن بونلرك تطبيققە همت وغيرت ايتملىرى كمال شىدتلە طلب ايدە جكز . بويولە اجرا اولنە جق هر نوع اصلاحاتدە ملتىزك استقبالنە پك بيوك بر تاثيرى اوله جقنە ، سربيلان تخم دانەلردىن جسيم اغاچلر ، مهم ثمرلر استحصال ايدىلە جككە قناعت تامە من واردىر . ورم مشهور قوخ طرفندىن كشف ايدىلش بر مىقروپك ايضاع ايلدىكى سارى برخستە لقدر . بومىقروپ وجودە كيرمىدكە ورم ظهور ايدە من . بو حقيقت فنيە قطعى بر صورتدە اثبات ايدلمىشدر . وجود من ، كندىنە هجوم ايدىن ورم مىقروپلرينە

قارشى مدافعه نفس ایچون برچوق وسائطه مالکدر. لکن هر کسده اقلیم بدنک مدافعلى اولان بو وسائطک قوتى، مقدارى بر دکدر. بعضیلمز دنیایه کلدیکنز دقیقه دن اعتباراً ورمه قارشى يك ضعیف بولئورز؛ ارثى بر صورتده انتقال ایدن وسائط مدافعه يك جزئى اولور. لکن برچوقلریمزده بوعلتک میقروبلرنى اتلاف وتأثیرلرنى ازاله ایچون لازمکن مقاومت بدنیه بلغاً مابلغ مالک اوله رق طوغازز، آنجق حیاتمزک ایلك آیلرنده ایلك سنه لرنده بومقاومت تکمل ایده جکنه شرائط صحیه نك نقصان ویا بوسیتون یوقلنى حسیله عضویمزده ورمه قارشى بر استعداد حاصل اولور. حتی بر کیمسه نك بوخسته لغه هیچ بر استعدادى اولمىنی، وجودى يك قوی وزنده بولوندىنى حلاله قواعد صحیه عدم رعایتدن طولانی ورم میقروبلرى غالب کلوب اوصاغلام وجودى محو وهدر ایده رلر.. بالعکس اساساً وجودى ضعیف اولان بر ذات موافق بر حیات کچیره دک علتدن آزاده قاله بیلیر.

کرچه بوعلت مدحسه قارشى هنوز تأثیرى قطعى برعلاج کشف ایدلماش ايسه ده بعض اصول ومدوات سایه سنده، باخصوص خسته لق ایلك دورنده تشخیص ایدلدىکی تقدیرده برچوق متورمک کسب عافیت ایتدىکی صیق صیق کورولمکده در.

ورمه قارشى اتخاذه لازمکن تدایرده: برنجی، ورم میقروبلرنک وجوده کیرمه لرینه ممانعت ایتک؛ ایکنجی، وجودى بو میقروبلرک تأثیرلرینه قارشى قوتلندیرمک اساسلرنى نظر دقته آلق لازمدر.

ورم میقروبلرنک وجودمزه دخوله ممانعت ایتک، بونلرک زهرلرده بولونقلرنى بیلیمکه متوققدر. ورم میقروبنک منبى متورملردر. هیچ طورمه دن اوکسوروب توکورن متورم، اطرافه میلیونلرجه میقروب صاچار؛ هر بر بلغام قطره سنده هان حسابسز ورم میقروبی واردر. اوکسوروک ائناسنده بو قطره لر خسته نك اطرافه یایلیر، الی ساتیمتره لک بر مسافیه کال سهولته کیدر؛ بعضاً بر یچق متره لک بر محله ده صیجیرایایلیر. بو محیط داخلنده بولان اشخاص سرایته معروض قالیر. میقروبی قطره لر هواده بر مدت معلقده

قالقدنصکره یره دوشمکه باشلار و بوصورتله يتاق چارشافلریخی ، چاشیرلری اوطه‌نک دوشمه‌سنی تلویث ایدر . متورملر اکثریا یره ویامندیله توکورورلر ؛ مندیبلدن اللرینه یوزلرینه میقروب بولاشیر ، بوجهتدن کنیدیله تماسه کلنلر احتیاطسز داورانیرلرایسه میقروبی آلورلر . زمینه فیلاتیلان بلغم زمانله قورور ، توزه قاریشه‌رق هوایه چیقار ، بویله ورم میقروبلریخی حاوی توزلی بر هوایی تنفس ایدنلرده خسته‌لغه معروض قالیرلر . کونشسز ، قارا کلک ، رطوبتلی بر محله توزه قاریشمش ورم میقروبلرینک اون آیدن زیاده برمدت بر حیات قالب خسته‌لنی تولید ایده بیلدکلری بالتجربه اثبات ایدلمشدر . کونشک ضیاسی ورم میقروبلرینک مدت حیاتی تنقیص ایدر ایسه‌ده سرعتله ازاله مضرتلریخی تأمین ایده‌مز . ورم‌لرک چاشیرلری ، يتاق طاقلری ، قوللاندقلری اشیا اوزرنده میقروب جوق بولنور . بونلری ییق‌ایان وقوللانانلر ، پک بیوک بر تلمک‌یه معروضدرلر . کذا ورم‌لرک یاندقلری اوطه‌ده بلا احتیاط وقت کچیرنلر ، ویا بویله برخسته‌نک بولوندیخی عمومی بر محله اوزون اوزادی‌یه بولونانلر ، خسته‌لنی یاقالایه بیایرلر . واپور ، تراموای ککی محللرده ورم‌لرک هیج آلدیر مقسزین اطرافه صاحب‌قلری توکروکلر یرجوق بیکنهاک سبب هلاکی اولاییلر ...

ورم خسته‌لنی حیوانانده‌ده حکمفرمادر . باخصوص اینکلر بوعلته پک معروضدرلر . متورم براینکک سوتنده ورم میقروبی بولونور ، وبوسوتی ابوجه قایناتمقسزین اینکلر خسته‌لنی آلبیلرلرکه کوچک چوجقلره بو طریقله خسته‌لغک انتشاری پک صیق واقع اولمقده‌در .

ورم میقروبنک اتلافی ایچون سوتک اون بش دقیقه قدر فقییر فقییر قایناتدیرلمسی لازمکلر ؛ حالبوکه اکثریا اولرمزده سوت قباریر قبارمز آتشدن ایندیریلیرکه بو طرز میقروبوک اولدیرلمسی ایچون غیر کافیدر . اهالیده کچی سوتنک ورم‌دن آزاده اولدیغه دائر بر اعتقاد واردر ، واقعا کچیلر ده نادر اوله‌رق تورم ایدرلر ایسه‌ده بو خسته‌لق اونلرده‌ده کورولدیکی جهته تام اعتماد جائز دکلدیر .

منبعلری اراثة ایتدیکمز ورم میقروبلرینک ازاله ، مضرتلری ایچون نه

صورتله حرکت اقتضا ایده چکنی ازانه ایتمزدن اول وجودمزی بو علتله مستعد
قیلان اسبابی منحصراً بیان ایده لم : متورم بریدر ویا والدهنک چوجقاری ورم
اولمغه زیاده مستعددرلر. بونلرک بک جدی بردقت واهتمامله بیوتولماری لازمدر.
آنحقی بو سایهده ارثی اولان ضعفک ازالهسی ، مقاومتک تربیدی ممکندر .
حالبوکه بو بیچاره لر ، اکثریا ، خسته لفنک طبیعت ونوعی بیلمین پدر ویا
والده لر یله برابر یاشارلر . جگر پاره سنی قوجاغنه آلهرق نازک یاناقلرندن متصل
اوبن زواللی والده شهبه سز حیاتندن ده اعزیز بیلدیکی اولادنی جهالتندنطولایی
زهرلر ، طوریر . خفیف بر اوکسور وکدن عادی بر تزلهدن عبارت ظن اولنان
او قورقنج خسته لغه مبتلا اولان پدر نور دیده سنی قوجاقلادینی زمان الیسه سیله ،
الریله ، بیقاریله معصومک هر طرفه ورم میقروبلری صاچار . والدیئک
اوطه سنده یتاقلری یاننده دائمی صورتده بولنان یاوروجق ، منی منی الریله
یردن آلدینی اویونجاغنی طاتلی بر تبسمله یوزونه کوزونه سوردیکی زمان ورم
تخمی نازک وجودینه ادخال ایدر . وقوفسز لقلرندن بوحالره تمامیه لاقید قالان
او آنا ، او بابا حقیقی بیلسه شهبه سز تحنن ایدر .

قبالی محملرده ، هواسز ، قارا کلک ، رطوبتلی اوطه لرده ، غیر کافی بر غذا ایله
یاشایانلر ، فضله مقدارده اسپرتولی مشروبات استعمال ایدنلر ، یأس وکدر ویا حرص
وقیصقانچلق کی حسیاتله دماغارینی دائمی بر تهیج ایچنده بولندورانلر وجودلرینی
ورمه مستعید قیلارلر .

سؤ استعمالات ورمک اک مؤثر سببلرننددر .

کله جک مقاله مزده ورمله نه صورتله مجادله ممکن اولدیغنی یازاجغز .

درقنور عاقل مختار

تاریخ و آثار عقیقه

تورکولوغ و و . رادلوف و ویلهلم طومسن حضراتنک ژویله لر
یازیم عصر اقدم ، تورک لری قدیم حیاتلرینه عائد معلومات علما ومورخلر